

# CSR pillugu nalunaarusiaq 2020



ROYAL  ARCTIC

Ukiuumoortumik naatsorsuusiortarneq pillugu inatsimmi, kungip peqqussutaatigut Kalaallit Nunaannut atuutilersinneqartumi § 99 a aamma § 99b naapertorlugit, inuiaqatigiinni akisussaaffeqarneq pillugu nassuiaat.



## Royal Arctic Line A/S pillugu

Royal Arctic Line A/S Kalaallit Nunaannut, Kalaallit Nunaannit kiisalu Kalaallit Nunaanni illoqarfiit nunaqarfiillu akornanni imaatigut assartuinnermut atatillugu kisimiilluni assartuisinnaatitaanermut akuersissummik Namminersorlutik Oqartussanit tunineqarpoq. Umiarsuaatileqatigiiffik taamaalilluni inuiaqatigiinni kalaallini pingaarutilerujussuuvoq. Royal Arctic Line Kalaallit Nunaanni umiarsualivinnik 13-inik Aalborgimilu umiarsualivimmik ataatsimik ingerlataqarpoq.

Suliffeqarfiup umiarsuaatai umiarsualiviilu International Ship and Port Facility Security Code (ISPS) naammassivaat.

Royal Arctic Line A/S siornatigut Den Kongelige Grønlandske Handelip (KGH-p), 1774-imi Kalaallit Nunaannut assartuisalersup, ataaniippoq. Ingerlatseqatigiiffiup atini 1993-imi atulerpaa. Ingerlatseqatigiiffik Namminersorlutik Oqartussanit 100 procentimik pigineqarpoq.

## 5 Toqqammavigisamik patajaallisaaneq nukittorsaanerlu

## 7 Royal Arctic Linemi inuiaqatigiinni akisussaaqataaneq

- 7 Naalagaaffiit Peqatigiit piujuartitsilluni ineriartortitsinermi nunarsuarmi anguniagaat 17-it
- 7 Aaqqissuussaaneq – aallartilluarusuppugut

## 8 2020-mi immikkut qitiutillugit sammeneqartut

- 8 Corporate governance
- 9 CSR Taskforce

## 10 Silap pissusia avatangiisillu

- 10 Umiarsuit orsussamik atuinerat
- 10 Royal Arctic Linep ingerlatseqatigiiffiup CO<sub>2</sub>-mik aniatitsinerata annikillissarnissaanut suliaqarfiit marluk 2020-mi immikkut suliniuteqarfigai.
- 11 Nuussat kubikmeterinngorlugit
- 11 Pigisat atorluarnerunissaat
- 12 Teknologi nutaaq
- 12 Umiarsuarnik isaterineq
- 12 Kranit angallattakkat qamutillu assakaasullit innaallagiatortut

## 14 Sulinermi atukkat isumannaallisaanerlu

- 14 Imarsiormermi
- 16 Til søs
- 16 Sulisut toqqissisimanissaat

## 18 Piginnaasanik ineriartortitsineq ilinniartitaanerlu

- 18 Piginnaasanik ineriartortitsineq
- 20 Ilinniartitaaneq

## 22 Governance

- 22 Inuttut pisinnaatitaaffiit
- 22 Peqquserlunnermik akiuiniarneq
- 23 Pilersuisuvut suleqatigisavullu
- 23 Assigiinngisitaartuuneq
- 23 Pisortaqaatigiit suaassutsikkut katitigaanerat

## 24 2021-mi piujuartitsilluni ineriartortitsineq

## Royal Arctic Linemi kisitsisit pingaarnert

	2020	2019	2018
Umiarsuit	12	11	11
Umiarsualiviit	14	14	14
Sulisut	755	756	760

Umiarsuit amerleriaateqarnerinut pissutaavoq Sarfaq Ittuk, Royal Arctic Linep pigisaata Arctic Umiarq Linep ataanittoq, ilanngullugu ukioq 2020-mit naatsorsuisalernerput. Umiarsuaatileqatigiiffiup orsussamik atuinerata tamakkiisumik takuneqarsinnaanissaanik tamanna pissuteqarpoq. Sulisut amerlassusiat tassaavoq ukiup naammassinerani piffissaq tamakkerlugu sulisorisat agguaqatigiissillugit amerlassusiat sulisoqatigiinnullu tamanut atuulluni.

2020-mi suliniutit suliallu pisimasut, ingerlatseqatigiiffiup avatangiisinut inuiaqatigiinnullu tunngatillugu akisussaaf-feqarneq pillugu anguniagaata nukittorsaqqinnissaanut toqqaannartumik ikorfartuutaasut, tassunga ilanngullugit ingerlatseqatigiiffiup Naalagaaffiit Peqatigiit nunarsuarmi anguniagaannut 17-inut ikorfartuisumik suliniuteqarnerata killiffia, Inuiaqatigiinni Akisussaaqataaneq pillugu nalunaarusiami matumani (CSR) paasisutissiissutigineqarpoq.

Nalunaarusiaq piginnittutsinnut, sullitatsinnut suleqatigisartakkatsinnullu saaffiginnittuuvuq. Inuiaqatigiinni akisussaaqataaernermit piujuartitsinissamillu tunngaveqartumik suliaqarnitsinni peqataatitsinissaq ingerlariaqqinnissamullu killiffisatta ersarissarneqarnissaa siunertarineqarluni.

Nalunaarusiap matuma nutserneqarnera  
pisortatigoortumik ingerlanneqanngilaq.  
Sutigit tamatigit isumaqatigiinngissute-  
qartoqarnerani danskit oqaasiinik  
saqqummersitaq atuutissaaq.



Inuiaqatigiinnut avatangiisinullu akisussaqaataanerput Royal Arctic Linemi pimoorulluinnarparput.

# Toqqammavigisamik patajaallisaaneq nukittorsaanerlu

Royal Arctic Line Kalaallit Nunaanni inuunermt pisariaqavissunik attaveqaasersuutitigut pilersuisutut inuiaqatigiinni pingaarutilimmik inissisimavoq. Suleqatigisartakkatut, pilersuisutut, pisiortortutut, sulisitsisutut inissisimanerput, minnerunngitsumillu piginnittutsinnut, Namminersorlutik Oqartussanut, taamatullu aamma inuiaqatigiinnut kalaallinut pingaaruteqassuserput ilisimaarilluarparput.

Pingaarnersiukkagut, aalajangikkagut iliuuserisagullu kiffartukkatsinnut, suleqatigisatsinnut, sulisutsinnut minnerunngitsumi inuiaqatigiinnut avatangiisinullu inuuffigisatsinnut anner-tuupilussuarmik sunniuteqartarput.

Kalaallit Nunaannik niueqateqarnissamut atugassarititaasut pitsaanersaannik pilersitsinissamik ukiuni arlaqalersuni periusissiatut pilersaarutigisarpur 2020-mi timitalerneqarpoq Eimskipimik ingerlaaqateqalernissaq attaveqaatitsinnillu nutaami umiarsualivinnik amerlanerusunik aqqusaagaqartalernissarpur piviusunngortinneqarmat. Umiarsuaatitsinnik nutarsaanitsinni annertuumi umiarsuit tunniunneqartussat pingasut amigaataaginnalerput, umiarsuullu nutaat arlallit maanna pigilerpagut umiarsuullu ukiorpassuarni Kalaallit Nunaannut, Kalaallit Nunaannit aamma Kalaallit Nunaata iluani pilersuineramik qulakkeerinneqataasimasut atorunnaarput.

Inuiaqatigiinnut avatangiisinullu akisussaaqataanitta annertu-nerusumik ukkatarinissaanut toqqammavissamik pilersitsinissaq 2020-mi anguniagaraarput. Nalitunerulersitsisussanillu anguniagaqarnitta naammassinissaannut, tamatumunngalu peqatigitillugu uuttortarsinnaanissaannut ingerlatseqatigifimmi suliaqarfii arlallit pilersinneqarput paasissutissanik katersinissatsinnut suliniutittalu uuttortaaviginissaannut ikorfartuutaasussanik.

Suliap ukiup affaani suillermi aallartinneqarnissaa pilersaarutigineqaraluarpoq, umiarsuarnillu tunniussinissat kinguaattoorfiuneri taamatullu aamma attaveqaatitta nutaap aallartissanissaata kinguaattoorutigineqarnera pissutigalugu suliaassaq ukiup naanissaanut kinguartinneqarpoq.

CSR pillugu immikkut suleqatigiissitanik pilersitsisoqarpoq ingerlatsinitsinnut inuiaqatigiinnullu sutigut pitsaasumik pitsaanngitsumillu sunniuteqarnitsinnik nalunaarsuineramik suliaqartussanik, Naalagaaffillu Peqatigiit nunarsuarmi anguniagaannik ikorfartuuniarnitsinni suliniutigisatta sapinngisamik annertunerpaamik naleqalersitsinissaat qulakkeerumallugu. Immikkut suleqatigiissitat inassuteqaataat 2021-mut ingerlatseqinneqassapput, nunarsuarmi anguniakkanik

toqqartuinissamut kiisalu tigussaasunik suliniuteqarnissamut anguniagaqarnissamullu qanoq suleriaqqittoqassanersoq ersarissarneqassalluni.

Naammassisaqarsinnaassutsitta atorluarneqarnerunissaanut tigussaalluinnartunik suliniuteqarfigineqarpoq, pingaar-tumik ingerlaarfinni ukiup qanoq ilinera apeqquataatillugu allangorarfiusuni aammalu avammut nioqquteqarnermut nunatsinnullu eqqussuinermt tunngatillugu periarfissaqarfigisaani. DHL Global Forwardingip suleqatiginissaanik isu-maqatigiissuteqarfigineqarpoq, taannalu Royal Arctic Line sinnerlugu Islandimi sullissisutut tuniniaarnermik ingerlatsi-suuvoq, taamaaliornikkullu lmarpissuakut ingerlaarnermi naammassisaqarsinnaassutsip atorluarneqarnissaanut kaa-viiaartitaqarnerunissamullu periarfissanik pilersitsisoqarluni.

Avatangiisinut pitsaanngitsumik sunniuteqarnitta annikillisar-nissaanut suliniutissanik misilittaasinnaanissatsinnut 2020-mi arlalinnik periarfissaqalerpoq. Periarfissallu taakku ilisima-tuussutsikkut sullissiviit suleqatigalugit pilersinneqarput CO<sub>2</sub>-mik aniatitsinitta annikillisarneqarnissaa immikkut sam-mineqarluni. Ilisimatuussutsikkut suliniutit taakku neriuullar-figeqaagut, inuiaqatigiinnullu avatangiisinullu tunngatillugu akisussaaqataanitsinnut tunngatillugu annertusaaniarnitsinni nutaanik ilisimasaqalernissamut ilisimatusarnissamullu iluaqutaasinnaasut pillugit suleqatiginnerit siunissami peqataaffiginissaat qilanaarivarput.

Royal Arctic Line nunarsuup sinneranisulli coronamik nap-paalanersuaqarneranit aamma sunniuteqarfigineqarpoq. Nappaalanersuaq pissutigalugu ingerlatanik kinguartitsiso-qartariaqarsimavoq, aammali suleqatigiinnissamut periaatsit nutaat pillugit ilinniarfigaarput. Angerlarsimaffimmit suliner-mi piffissanilu nikerartuni suliarortarfeqarnermi periarfissat pillugit ilisimasat pingaarutillit pissarsiaraagut, tamannalu suliniutitik tigussaasunik kinguneqarpoq sulisutta akornanni suliner-mi atugarissaarnerup pitsaanerulersinnissaanut peri-arfissatsinnut sunniuteqartussanik.

Sulisut sulinerminni atugarissaarnissaat pisortaqtigii pingaartippaat, sulisullu suliffimminnik naammagisimaar-ininneranni nukittorsaannissamut siunnerfilimmik suliniuteqar-toqarneratigut aaqqissuussaaneq tamaat isigalugu suliffim-mik naammagisimaarinninneq, tamakkuninnga uuttortaasar-nerit ukiut qulit matuma siorna eqqunneqarmatali, 2020-mi aatsaat taama qaffasitsigivoq.

Taama allalluta atuartussat atuarluarnissaannik kissaappagut.

Royal Arctic Line A/S

Verner Hammeken  
CEO

Aviåja Lyberth Lennert  
Deputy CEO

Peter Christoffersen  
CFO



Royal Arctic Linep CSR-imut peruisissiaa pisortatigoortoq 2012-imi aallartinneqarpoq.

# Royal Arctic Linemi inuiaqatigiinni akisussaaqataaneq

Nunatta niueqatiginerata ajornannginnerulersinnissaa Royal Arctic Linep 2015-imiilli siunnerfilimmik sulissutigaa. Allanguiniarnermik suliaq ingerlateqatigiiffimmut sulisullu ullumikkut suleriaasiannut annertuunik allannguuteqartitsivoq. Taama suliaqarneq anorersuorsiorfiusimavoq ingerlatsinik-kullu allannguiniarnermullu tunngatillugu piffissap ingerlane-rani unammilligassaalersut sulisunit tamakkiisumik ukkatari-neqarnissaat pisariaqarsimalluni.

Ingerlatseqatigiiffiup inuiaqatigiinni akisussaaqataaner-mut tunngatillugu maanna suliniutigisaanut sunniuteqarsimanngi-laq, suliaqarfimmili ineriartortitsinermik suliaq kinguartinne-qartariaqarsimavoq. Ineriartortitsinermik suliap 2020-p aallartinnerani aallartisaqqinnissaa siunertaagaluarpog, attaveqarfinnilli nutaanik aqqqissuussinerup aallartisarnerani kinguaattoornerit pissutigalugit suliap tamatuma ilaa, tas-sunga ilanngullugu ingerlatseqatigiiffiup silap pissusianut, avatangiisinut inuiaqatigiinnullu pitsaanngitsumik sunniute-qarnerata nalunaarsornissaanik suliaq, ukiup naajartomera-nut kinguartinneqarpoq.

## **Naalagaaffiit Peqatigiit piujuartitsilluni ineriartortitsinermi nunarsuarmi anguniagaat 17-it**

Nunarsuarmi naalagaaffiit naalakkersuisullu siuttuisa Naalagaaffiit Peqatigiit ataanni anguniakkat annertuut 17-it 2015-imi septembarimi akuersissutigaa, piujuartitsilluni ineriartortitsinermi Naalagaaffiit Peqatigiit nunarsuarmi anguniagaattut ullumikkut ilisimaneqartut.

Nunarsuarmi anguniakkat tassaapput anguniakkat tigusaasut anguniakkallu immikkoortut ilaat 169-it, nunallu Naalagaaffiit Peqatigiinnut ilaasortaasut 193-iusut tamarmik pisussaaffilerneqarput nunarsuarmi piitsuussutsip nungutereqarnissaanik kaattoqannginnissaanillu, naligiinnginnerup millisinnissaanik, tamat pitsaasumik ilinniagaqarnissaanik peqqissuunissaanillu, naapertuuttunik sulliffeqartitsinissamik aningaasaqarnikkullu imminut napatissinnaasumik siuariartortitsinerunissamik sulissuteqassasut.

Aammattaaq eqqisseqatigiinnissaq isumannaallisaanissarlulullissivillu nukittuujunissaannik, nunanilu tamalaani suleqatigiinnerit nukittorsarnissaannik ukkataqarfiupput.

Anguniakkani isumaginninnikkut, aningaasaqarnikkut avatangiisitigullu ineriartortitsinerup, eqqisseqatigiinnissap, isumannaallisaanissap nunanilu tamalaani suleqatigiinnerup imminnut atalluinnarnerat taamaalilluni akuerineqarpoq, aammalu ineriartortitsinikkut atasinnaasunik angusaqarnis-samut ilusiligaasumik ataqatigiissaakkamillu suliniuteqarnis-saq pisariaqartoq.

## **Aaqqissuussaaneq – aallartilluarusuppugut**

Naalagaaffiit Peqatigiit piujuartitsilluni ineriartortitsinermi nunarsuarmi anguniagaat 17-it Royal Arctic Linep taper-sorsorusuppai. Taamaammata ingerlatseqatigiiffiup maanna suliniutigisaata kiisalu ingerlatseqatigiiffiup ingerlatsinermi-nut, avatangiisinut inuiaqatigiinnullu pitsaasumik pitsaanngit-sumillu sunniutigisaata nalunaarsornissaanut ilusilersukka-mik suliniuteqarneq 2020-mi aallartisarneqarpoq. Taamatul-lu piareersaateqarluni suliaqarneq 2020-p naanerani suli ingerlanneqarpoq nalunaarsuinermillu suliaq 2021-mi ingerlateqqinneqassaaq.

Aaqqissuussaaneermut tunngatillugu suliaqarfiit arlallit piler-sinneqarput, taakku ilagalugit Business Controlimut aamma Compliancemut suliaqarfiit, siunissami pisortatigoortumik nalunaaruteqartarnermik ikorfartuisussat, taamaattumillu aaqqissuussaannikkut ilusilersuinerit suleriaqqinnissamat inissitsiterneqareerput.

Anguniagaq ersarippoq, Royal Arctic Linep Naalagaaffiit Peqatigiit nunarsuarmi anguniagaat 17-it pitsaasumik suleqataaffigerusuppai. Aammattaaq suliniutit ingerlatallu nalunaarsuinermik suliaqarnermi suussuserneqartut ilumut ingerlatsinitsinnut, avatangiisinut inuiaqatigiinnullu sapinngi-samik annertunerpaamik naleqalersitsinissaat qulakkeer-usupparput.

# 2020-mi immikkut qitiutillugit sammineqartut

2020-mut anguniagaq tassaavoq ingerlatseqatigiiffiup CSR-imik suliaqarnerata nukittorsaqqinnissaanut ikorfartuissamut aqqissuussaanerup nukittorsarnissaa. Siunertat Naalagaaffiit Peqatigiit piujuartitsilluni ineriartortitsinermi nunarsuarmi anguniagaannut 17-inut ikorfartuisussat ersarissut anguniarneqarput, aammalu paasissutissanik suliaqarnermut pissarsiniarnermullu ikorfartuisussamik aqqissuussaannikkut ingerlatsinikkullu ilusilersukkamik ileqqussangortitamillu aqqissuussinissaq. Suliniutit immikkut ittumik ukkatarineqartut marluupput.

## Corporate governance

2019-imi aalajangiunneqartut Business Controlimut suliaqarfimmik 2020-mi pilersitsisoqarpoq, maanna suliniutaasunik suliniutissanillu nutaanik ikorfartuisussamik. Taamaalilluta suliffeqarfiup iluani malittarisassanik, nakkutilliinernik kukkunersiuinermillu ukiumi kingullermi nukittorsavugut aammalu suliffeqarfiup iluani nakkutilliinerup nunani tamalaani malittarisassanut tunngavissanullu akuerisanut, tassunga ilanngullugu "three lines of defense", naleqqussaqqinnissaa aqqutissiuunniarneqarpoq.

Tamatumunnga peqatigitillugu compliacemut suliaqarfimmik pilersitsisoqarpoq, taannalu ingerlatseqatigiiffiup aqutsilluar-sinnaanerminek nukittorsaanissaanik ingerlaavartumillu ineriartortitsinissaanik qulakkeerinnittussaavoq. Eimskip-imut isumaqatigiissuterput Vessel Sharing Agreement (VSA), kiisalu tassunga atatillugu Islandimi unammilleqatigiinnermut oqartussanit (ICA) akuersissut tunniunneqartoq suliffeqarfiup iluani ilinniartitsinissamik nakkutilliinerunissamillu pisari-aqartitsinissamik nassartaqarput, tamannalu qitiutillugit sammineqartut ilagaat. Tamatuma saniatigut aalajanger-sakkat, malittarisassat ileqqorissaanissamullu malitassat, Royal Arctic Linemit malinneqartussat imaluunniit malissal-lugit nammineq toqqagaata naammassineqarnissaat com-pliancemut suliaqarfimmit ukkatarineqarput. Unioqqutitsi-soqanginnissaa qulakkeerniarlugu, aammali suliffeqarfiup niuernikkut anguniagaata isigineqarneratalu pitsaangitsu-mik sunniuteqarfigineqarsinnaanera pinngitsoorinniarlugu.



## CSR Taskforce

Immikkut suleqatigiissitat sulisunik immikkoortortaqaarfinit assigiinngitsuneersunik inuttaqartut suliffeqarfiullu piujuartitsiffiusumik ingerlatsisutut pilersarusiornikkut suliniuteqarneranik siunertaqartut novembarip qaammataani pisortatigoortumik pilersinneqarput. Immikkut suleqatigiissitat suliaat aallarnerlugit CSR Greenlandip aaqqissugaanik piujuartitsinissaq Naalagaaffillu Peqatigiit nunarsuarmi anguniagaat 17-it pillugit aallartissarnissamut pikkorissarneq peqataaffigineqarpoq.

Piujuartitsinissamik nunarsuarmilu anguniakkat pillugit suliniuteqarnerup suliffeqarfimmut tigussaasumik ataqatigiissinissaa aallartissarnissamut pikkorissarnermi qitiutillugu sammineqarpoq. Tamannalu pissaaq umiarsuaatileqatigiiffiup silap pissusianut inuiaqatigiinnullu pitsaanngitsumik sunniuteqarnerata ingerlatseqatigiiffimmit qanoq ilillugu sutigullu millisarneqarsinnaaneranut ilisimasanik nutaanik misilittakanillu pissarsinikkut. Aammalu Royal Arctic Linemut inuiaqatigiinnullu nalitunerulersitsinissamut pitsaanerpaamik sunniuteqarfigisinnaasaatigut. Ingerlatsinerup maannakkut ilusiligaaneranut atassuserlugu nunarsuarmi anguniakkanik

toqqartuinissamut ilisimasanik misissueqjissaarinissamullu sakkussat pissarsiarineqarput. Anguniakkani "anguniakkat" ingerlatallu sunniutinut pitsaanngitsunut pitsaasunullu isumagissallugit pingaaruteqartunut atassuteqartut nalunaarsornissaannut suussusersinissaannullu ataqatigiissaakkamik aaqqissuussaasumik qanoq iliortoqarnissaanut sakkussanik piniartoqarpoq.

Nunarsuarmi anguniakkat piujuartitsinissarlut pillugit suliamut aallaqqaasiutitut paasissutissanik katersisoqarpoq umiarsuaatileqatigiiffillu inuiaqatigiinni akisussaaqataaneq pillugu sunik suliniuteqareernersoq ersarissarneqarluni. Taamatullu suliaqarneq suliniutit ingerlanneqareersut qanoq ingerlateq-qinnissaannut nunarsuarmilu anguniakkat ingerlatsinerup ilusiligaaneranut atassuteqartut toqqaannarnerusumik toqqartornissaannut malitseqartitsisoqarluni.

Maanna suliarineqartut ingerlatseqatigiiffiup piujuartitsinissaq tunngavigalugu anguniagaata, nunarsuarmi anguniakkanut tunngatilugu, tigussaanerulersinnissaannut Royal Arctic Linemullu, inuiaqatigiinnut nunarsuarmioqatitsinnullu nalitunerulersitsinissamik anguniakkatta annersaanut pisariaqarpoq.



# Silap pissusia avatangiisillu

Royal Arctic Linep umiarsuaatai ikummatissanik uumassusilinnit pilerfeqartunik atuisuupput (HFO), tamannalu CO<sub>2</sub>-mik annertuumik aniatitsinermik kinguneqarluni. Tamannalumi silap pissusianut avatangiisinullu annertuumik aarlerinaateqartut isigaarput. Taamaammat Royal Arctic Linep avatangiisitigut sunniuteqarnermi annikillissarnissaa sulissutiguarpa. Tamannalu ilaatigut nutaanik umiarsualiornitsinnut atatillugu teknikkikkut atortorissaarutiniq nutaanik toqqaanikkut pivog, aalajangiinissamut toqqammavigisatta ilaatut pilersuinerup ingerlatsinerullu isumannaatsuunissaanik sunniuteqanngitsumik teknikkikkut atortorissaarutiniq avatangiisinut mianerinninnerusunik atuinissamut periarfissaqarluni. Taamaaliornikkuk atortorissaarutit mingutsitsinnginnerusut misilittarneqareersullu tunngavigalugit ingerlatsinitsinni suleriaatsitsinnilu periarfissaqartillugu pitsanngorsaajuarpuq. Umiarsuaatileqatigiiffittut suliaqarfigisatsinnilu avatangiisitigut unammilligassarissatsinnut pitsaanerpaanik aaqqiissutissarsinissaq sulissutigaarput.

## Umiarsuit orsussamik atuinerat

	2020	2019	2018
MGO (tonsit)	8.282,5	4.999	5.171
HFO LS (tonsit)	14.233,1	4.603	4.919
HFO HS (tonsit)	6.143,1	16.261	18.597
Sømilinut orsussaq kiilunngorlugu	44,8	67,9	68,3
Ingerlaarfiiit sømilinngorlugit	486.683	406.471	419.630
<b>Nuussat kubikmeterinngorlugit</b>	<b>945.895</b>	<b>916.482</b>	<b>915.091</b>

CSR pillugu siusinnerusukkut nalunaarusiani kisitsisinut nalunaarutigineqartunut assersuussinnaanermut sunniuteqartunik ingerlatseqatigiiffimmi naatsorsueriaatsinik allanngortitsinissaq pillugu 2020-mi arlalinnik aalajangiisorgarpoq. Naatsorsueriaatsit nutaat paasisutissanik

eqqornerusunik pitsaanerusunillu kinguneqarput. Siunertamullu tassunga Data Qualitymut suleqatigiinnik immikkut pilersitsisoqarpoq, taakkulu Business Controlimik suliallit suleqatigalugit paasisutissat pitsaassusiannik nukittorsaanissaq kiisalu ingerlaavartumik nalunaaruteqartarnissaq immikkut ukkatarivaat. Naatsorsueriaatsit pineqartut nutaat tunngavigalugit siunissami nalunaaruteqartoqartassaaq.

## Umiarsuit orsussamik atuinerat

Orsussamik atuinerup annertussusianik nalunaarutigineqartut qaffariaateqarnerat (MGO aamma HFO LS), umiarsuaatileqatigiiffiup umiarsuaataata tamarmiusut, ingerlatseqatigiiffiup aqutap Arctic Umiaq Linep pigisaa Sarfaq Ittuk ilanngulugu, orsussamik atuinerannik 2020-mit ilanngussisalernitsinnik pissuteqarpoq. Nunaqarfiliartaatit pingasut Aqqaluk Ittuk, Angaju Ittuk aamma Anguteq Ittuk siornatigut ilanngulugit aamma naatsorsorneqartarsimangillat Royal Arctic Bygdeservicep maanna atorunnaareersup ataaniissimamata. Taakku naatsorsuinermut tamarmiusumut maanna aamma ilanngunneqartalerput. Tamatuma saniatigut ukioq mannamut orsussamik atuinerup umiarsuit attartorneqartut (Wes Gesa aamma Vestlandia) aamma ilanngunneqarput.

Qulaani allaaserineqartut kingunerisaannik assersuussinissamut tunngavissaq 2020-mi aallaqqaataanit aallartittussanngorlugu aaqqipparput, 2020-lu taamaalliluni ukuiusaaq siunissami allanngorarnerit uuttortarnissaannut toqqammavigineqartussaaq.

Januaariip aallaqqaataani 2020-mi atuutilersumik inatsisiliornikkuk allannguuteqarnera pissutigalugu umiarsuit ikuallasaammik 0,5 %-iinnarmik aniatitsinnaatitaapput. Taamaammat umiarsuaatileqatigiiffiup umiarsuaataata amerlanersai uulia ikuallasaatiksoq (HFO LS) atulerpaat, tamannalu kisitsisini malunnaatilimmik qaffariaateqarnerut takune-



Royal Arctic Linep ingerlatseqatigiiffiup CO<sub>2</sub>-mik aniatitsinerata annikillissarnissaanut suliaqarfiiit marluk 2020-mi immikkut suliniuteqarfigai.

qarsinnaavoq. Uuliamik ikuallassaateqarnerusumik (HFO HS) suli pisiortortoqarneranut pissutaavoq umiarsuaatileqatigiiffiup imarpikkoortaataata nutaajunersaata Tukuma Arcticap pujup gassianik salisinnaasumik scrubberilerneqarsimane- ra, taamaalillunilu inatsisinik attuuttunik malinnilluni.

Umiarsuaatileqatigiiffiup orsussamik atuinerata annikillisar- nissaanut 2020-mi tigussaasunik siunniussaartoqanngilaq. Taamaatorli Malik Arcticami misileraatitut suliniutinik tig- saasunik aallartisaasoqarpoq orsussamik atuinerup annikilli- neqarneranik kinguneqartumik. Ingerlatseqatigiiffiullu silap pissusia avatangiisillu pillugit suliniutaanik nalunaarsueqqin- nissamut atatillugu, taakku immikkoortortaqaqarfinni attuu- massuteqartuni qanoq atuutilersinnissaannut pilersaarum- mut naapertuuttumik tigussaasunik anguniagassiornissaq 2021-mi siunertarineqarpoq.

### Nuussat kubikmeterinngorlugit

Nuussat kubikmeterinngorlugit naatsorsorneqartarnerinut periaatsit 2020-mi pitsanngorsarneqarput. Taamaammat kisitsisit 2020-meersut 2018-imut 2019-imullu nalunaarusia- ni kisitsisinut toqqaannartumik assersuunneqarsinnaanngil- lat. Qulaani nalunaarsorsimaffimmi kisitsisit 2018-imeersut 2019-imeersullu naatsorsueriaatsit nutaat tunngavigalugit suliarineqarput.

Nuussaat annertunerulernerisa pigisatta atorluarnissaannik kinguneqarnissaat inerniliutigissallugu pissusissamisoorpoq. Nuussalli annertussusaa sømilinik ingerlaarfigisanut orsus- samillu atuineranut naleqqiullugu qanoq inissisimanerannut assersuusiornissamut tunngavigineqarsinnaasumik suli suliaqartoqanngilaq. Ilaatigut orsussamik atuinerup naat- sorsorneqarneranut atatillugu umiarsuaatitta katitigaanerani aamma allannortitsisimanitta tamanna piuminaanne- rulersippaa. Tamatumalu 2021-p ingerlanerani

anguniagassanik aalajangersaernerut atatillugu erseqqin- nerusumik misissussallugu naleqquppoq.

### Pigisat atorluarnerunissaat

Pigisat atorluarnerunerat pingaartumik Kalaallit Nunaanni containerinik atuinerami ukiup qanoq ilinerani allanngor- toqartarneranut attuumassuteqarpoq, piffissaq suliaqarner- paaffiusartoq tassaanerusaluni juunimit novembarimut, decembarimiillu maajimut suliassakiffiunerusaluni. Royal Arctic Linelu piffissami suliaqarnerpaaffiusumi naammattu- mik naammassisaqarsinnaassuseqassappat, piffissami suliassakiffiunerusumi naammassisaqarsinnaassuseq am- masuussariaqarpoq. 2020-p tungaanut ajornartorsiut taan- na toqqaannartumik aaqqiissuteqarfigineqarsinnaasim anngilaq, Eimskipilli VSA pillugu suleqatigilerneratigut peri- affissanik nutaarluinnarnik ammaassisoqarpoq. Siullertut VSA-mik suleqatigiinnerup aallartinnera CO<sub>2</sub>/TEU -imut pitsaasumik sunniuteqarpoq, containerit umiarsuarit miki- nerusunit amerlanerusunillu siornatigut isumagineqartartut umiarsuarit anginerusunit ikinnerusunillu isumagineqarta- lermata. CO<sub>2</sub>/TEU-mik aniatitsinerami annertuumik ingerlatsi- nermi iluaqutissartaqarmat, attaveqarfiit nutaat aallartisarne- rat siornatigut attaveqarfigisanut naleqqiullugu toqqaannar- tumik pitsanngoriaateqartitsivoq.

Sunniutaasorlu taanna 2020-mut pitsanngoriaatit pingaar- nersaraat, VSA-milli suleqatigiinneq tamatumunnga peqati- gitillugu aamma 2021-mi allatigut pitsanngoriaateqartitsinis- samut periarfissiivoq, attaveqarnermi pisoqqami Kalaallit Nunaat-Danmarkimi ilaanngitsunik nunani tamalaani niuer- finnut toqqaannartumik atassuteqalernera pissutigalugu. Niuerfiit taakku Royal Arctic Linep piffissami suliassakiffiune- rusumi annikinnerusumik atorluaasinnaanerani toqqaan- nartumik iluarsiissuteqarnissamut periarfissaqalersitsivoq, tamannalu aamma CO<sub>2</sub>/TEU-mut pitsaasumik



sunniuteqaqqissalluni. Royal Arctic Linep DHL Global Forwarding suleqatigiinnissamik 2020-mi isumaqatigiissute-qarfigaa naammassisaqarsinnaassuseqarnerup atorluarnerunissaanik ataatsimut siunertaqarfiusumik. Ataatsimut suliniuteqarnerup allaat 2021-mit atorluasinnaassutsikkut pitsanngoriaateqartitsinissaa naatsorsuutigineqarpoq, suleqatigiinnerlu tamakkiisumik ingerlaleriarpat 2021-mi periarfissanik allanik aamma ammaaqqissalluni.

### **Teknologi nutaaq**

Naammassisaqarsinnaassutsip pioreersup tamakkiisumik atorluarneqareernerani suliaqarfimmi teknologiiq nutaaju-nerpaamik atulersitsinikkut sapinngisamik uuliamik atuinikinerpaaffiusumik usinik assartuinissaq Royal Arctic Linep aamma ukkataraa. Tamannalu Royal Arctic Linep, Frugal Technologiesip motooriliorfiullu MAN-ip suleqatigiillutik suliniutaanni takuneqarsinnaavoq, Malik Arcticami teknologiiq nutaamik ikkussisoqarmat. Teknologii nutaajuvoq patenteqarfigineqartoq motoorimillu nammineerluni aqutsinnaalluni on-top-systemiuvoq patenteqarfigisaaq nutaaq akuerisaasoq umiarsuullu orsussamik atuineranik 10 %-inik annikillitsisinnaalluni.

Orsussamik atuineri agguaqatigiissillugu sipaarutaasoq 10-15 %-it missaanniippoq, Malik Arcticamullu tunngatillugu Danmarkip Nunattalu akornanni ingerlaarfimmi isorartoorsu-armi ulloq unnuarlul orsussamik 3-4 tonsinik sipaaruteqartit-sisarpoq taamaallunilu CO<sub>2</sub>-mik allanillu aniatitsinermik annikillitsisilluni.

Frugal Propulsion aqutsinermut systemiuvoq nammineersinnaallunilu ilinniartartoq umiarsuup PCS-ianut pioreersumut ataqatigiissinneqartoq. Systemip malussaait, Big Data aamma algoritmet nutaaliaalluinnartut atorlugit umiarsuup maskiinaa itsinertussutsimut, usinut, mallinut anorimullu naleqqussartuartarpaa.

Systemi orsussanut tamanut atorneqarsinnaammat Royal Arctic Linep teknologiiq pineqartup umiarsuaatimimi allani atorneqarsinnaanera periarfissaasutut isigaa. Teknologii ineriartornerup pitsaanerusumut ingerlariaqqinnissaanut maannakkorpiaq atorneqarsinnaavoq taamaallunilu imaatigut assartuineramik suliaqarfiup 2050 angutinagu tonsimut assartorneqartumut CO<sub>2</sub>-mik aniatitsinerup 70 %-inik annikillitsinissaanut aamma iluaqutaasinnaalluni.

### **Umiarsuarnik isaterineq**

Umiarsuaatileqatigiiffiup imarpikkoortaatai marluk 2020-mi atorunnaarput. Tassaallutik Naja Arctica 1994-imeersoq Nuka Arctica 1995-imeersoq. Umiarsuit Frederikshavnimi suliffeqarfimmi Jatop Aps-imi atoqqitassatut tunineqarput, suliffeqarfik taanna umiarsuarnik avatangiisinut annikinnerpaamik nanertuinissaq immikkut ukkataralugu atoqqinermik suliaqarnissamut akuerisaavoq, umiarsuarnik illersorneqarsinnaasumik isaterisarneq pillugu Hong Kongimi isumaqatigiissut naapertorlugu. Umiarsuarnik illersorneqarsinnaasumik isaterisarneq pillugu Hong Kongimi isumaqatigiissummik malinninnerput pisortatigoortumik politikkerineqanngilaq, taamali iliornissamik aalajangiinerulluni. Umiarsuarnik isaterisarnermut politikkissamut tigussaasumut sinaakkusersuinissap inerisaanermik suliaqarnerup ingerlaqqinnerani suliaqarnissaa naatsorsuutigineqarpoq.

### **Kranit angallattakkat qamutillu assakaasullit innaallagiatortut**

Royal Arctic Line Nuummi Qeqertani umiarsualivimmi kranersuarnik angallattakkanik marlunnik pigisaqarpoq. Taakku ullut tamaasa atorneqarput imarpikkoortaatillu Tukuma Arcticap, Dettifossip aamma Brúarfossip, Royal Arctic Linep umiarsuaataata sinnerisulli namminerisamik kraneqanngitsut usingiarlugillu usilersornissaanut pisariaqartinneqarlutik.

Kranit aappaat ulluinnarni "Kranit kujallermik" taaneqartartoq 2020-mi innaallagissamik ingerlateqalerpoq. Tamannalu Royal Arctic Linep, Nunattalu, CO<sub>2</sub>-mik aniatitsineranik ukiumut 169 tonsinik annikillitsivoq. "Kranit avannarliup" innaallagissamik ingerlateqalersinnissaa aamma pilersaarutaagaluarpoq, Coronamilli nappaalanersoaqarneranut atatillugu angallannikkut killilersuisoaqarnerata kingunerisaanik teknikerimik atortoris-saarutinik pisariaqartunik ikkussuisussamik Danmarkimit Nuulartitsisoqarsinnaasimanngilaq. Periarfissaqqilerpat tamatumu naammassineqarnissaa naatsorsuutigineqarpoq.

Avatangiisinut iluaqutissartaasut saniatigut kranit innaallagissamik ingerlateqalererat kranit atorneqarnerinut aamma iluaqutissartaqarpoq. Kranit dieselimik ingerlateqarunnaarlutik innaallagissamik ingerlateqalernerminni sukkanerusumik aallartinneqarsinnaapput, aamma motoorimut dieselitortumut kingoraartissanut sipaaruteqartoqarpoq.

Royal Arctic Linep Nuummi quersuarni truckii maanna aamma innaallagissamik ingerlateqarput atortullu suut innaallagissamik ingerlateqalersinnaanersut umiarsuaatileqatigiiffiup ingerlaavartumik nalilersuiffigisarpaa.



# NAJA ARCTICA



# Sulinermi atukkat isumannaallisaanerlu

Royal Arctic Linep pingaarnertut suliassai tassaapput imaatigut assartuineq, nunami assartugalerineq tamakkulu allaffissornikkut aqunneqarnerat. Umiarsuarmi sulisuvut oqimaatsunik suliaqartuupput, ilaatigut containerit umiarsuup iluani nussornerinik qajannaarsarnerinillu, tamannalu aamma illoqarfinni anginerusuni mikinerusunilu umiarsuulivinni suliaqarnermut atuuppoq, timi atorlugu suliassat assigiinngisitaartuullutik. Suliassat oqimaassinnaasarpit piffisatigullu tatisimaneqarluni naammassiniagassaakkajuttarlutik. Sulinermi pissutsit taakku malunnaatilimmik aarlerinaateqarsinnaapput timikkut akornusernermik kiisalu eqqarsartaatsikkut oqimaatsorsionermik kinguneqarsinnaallutik ingerlatseqatigiiffiup isumannaallisaanikkut suleri-aasissiuussai najoqqutassiaalu malinneqanngippata.

Sulisut suliffeqarfiup iluatsitsilluarnissaanut qitiupput. Taa-maamat sulisut peqqissusaannik, isumannaallisarneqarnerinik atugaannillu nukittorsaaniisaq ingerlaavartumik sulisutisgarpaput. Sulisut namminneq, suliffeqarfiup minnerunngitsumillu sullitatta naammagisimaarsinnaasaannik suliati naammassineqarnissaanut sulisut eqqortumik ilinniartinneqarsimanissaat eqqortunillu atortorissaaruteqar-nissaat pingaaruteqarlunnarpoq.

## Imarsionermi

Isumannaallisaanermut suliaqarneq nunani tamalaani imarsionermi kattuffiup IMO-p SOLAS-imut isumaqatigiissutaannik (International Convention for the Safety of Life at Sea) tunngaveqarpoq. Isumaqatigiissut nalunaarutininik arlalinnik tunngaveqarpoq, soorlu ISM-kodet isumannaatsumik umiarsuarnik ingerlatsinermut attuumassutillit aamma issittumi angalanissamut POLAR-kodeqarpoq, qaavatigut piimasaqaateqarfiusumik. Umiarsuaatileqatigiiffiup umiarsuaataata nunani tamalaani ingerlasartut Maritime Labour Convention (MLC)-mi piimasaqaataasut malippaat, tassuunilu atorfillit sulinermi avatangiisinut inuttullu sillimmaserneqarnikkut toqqissisimanartumik innissisimanissaat piimasaqaatigineqarpoq. Atortussat inatsisilersukkat akuersissuteqartariaqarput nakkutigineqartariaqarlutillu. Taamaattumillu umiarsuit tamarmik suliffeqarfimmit ukiut tamaasa nakkutilliffigineqartarput avataaniillu qaammatit 30-kkuutaarlugit misisuiartortoqartarluni. Umiarsuarnittaaq ingerlaavartumik sulinerne navianaataasinnaasunik nalilersuisoqartarpoq. Taamaaliortoqartarporlu umiarsuarni ajutoornerit ikinnerpaaffimmiitikkumallugit. Ajutooratarsinnaanerit ikinnerpaaffimmiitikkumallugit umiarsuaatileqatigiiffiup umiarsuinut ISM-imik akuersissutilinnut qaammammut minnerpaamik ataasarluni near-missinik nalunaaruteqaqqusisoqartarpoq. 2020-mi umiarsuaatileqatigiiffiup umiarsuaataani Near-missit katillugit 80-it nalunaarutigineqarput. 2020-milu ajutoornerit katillugit sisamat Lost Time Accidentsit (LTA) taaneqarsinnaasut pisimapput.



## Umiarsuarni sulinermi atukkat kisitsinngorlugit

		2020	2019	2018
Umiarsuarni near miss-it	Amerl.	80	78	73
Lost Time Accidents (LTA)	Amerl.	4	4	7

Near-misses tassaapput pisut ajunaarutaanngitsut, napparsimassutaanngitsut imaluunniit ajoqusernerit siumut isigineqarsinnaasimanngitsut - pisimasinnaagaluartulli. Near-miss-inik nalunaarutiginnittarnerit siunertarivaat umiarsuarni ataasiakkaani "ajortumiissutaasinnaasut" ingerlaavartumik malinnaavigineqarnissaat aamma ajoquseritoqannginnerani aaqqiisoqarsinnaanissaa. Allakkatigut nalunaarutiginnittoqartarneratigut ilisimasanik avitseqatigiissinnaaneq periarfissaalerpoq, taamaaliortoqarneratigullu umiarsuaatileqatigiiffiup umiarsuaataani allani aamma aaqqiisoqarsinnaalerluni. Nalunaarutit taama amerlatiginerannut peqqutaavoq umiarsuarni nakkutillisoqarnera, tamannalu umiarsuarni sillimaniarnerunissap anguniarneranut pitsaqaqtaaginnarpoq.

LTA tassaapput pisut ajutoornermik, napparsimalernerimik ajoqusernermilluunniit kinguneqartut – ajoquseritoq ulloq unnuarluni sinnerlugu sulisinnaajunnaaqqappat. Nalunaarutiginninneq inatsisit malillugit pisussaaffiuvoq. Nalunaarutiginnittoqartarneratigut ilisimasanik avitseqatigiissinnaaneq periarfissaalerpoq, taamaaliortoqarneratigullu umiarsuaatileqatigiiffiup umiarsuaataani allani aamma aaqqiisoqarsinnaalerluni.

Malittarisassat najoqqutassallu qulaani taaneqartut malineqarnissaannik qulakkeerinninnissaq ingerlatseqatigiiffiup ISM-imut ataqatigiissaarisuanit, ingerlatseqatigiiffiup pisortaaneranut toqqaannartumik atassuteqartumit, akisussaaffigineqarpoq.

2020-mi LTA-t katillugit sisamat umiarsuaatileqatigiiffiup umiarsuaataani ISM-imik allagartaqartuni nalunaarutigineqarput (umiarsuit 55 bruttotonsit sinnerlugit oqimaassusillit). Nuka Arcticami ataaseq, Mary Arcticami ataaseq, Malik Arcticami ataaseq Tukuma Arcticamilu ataaseq.

### Kingullermik LTA-qarneranit decembarip 31-anit 2020-mi ullut amerlassusaat

		ullut
Pajuttaat		1.104
Naja Arctica	(umiarsuaq tunineqarpoq 2020 dec.)	412
Mary Arctica		218
Nuka Arctica	(umiarsuaq tunineqarpoq 2020 dec.)	266
Irena Arctica		1.085
Ivalo Arctica		876
Minik Arctica	(umiarsuup 1/8-2016 tunniunneqarneranit LTA-qarsimanngilaq)	1.582
Malik Arctica		157
Sarfaq Ittuk		1.861
Tukuma Arctica		35
Nanoq Arctica	(umiarsuup 17/6-2020 tunniunneqarneranit LTA-qarsimanngilaq)	197

Nunaqarfiliartaatit pingasut Aqqaluk Ittuk, Angaju Ittuk aamma Anguteq Ittuk angissusertik pissutigalugu ISM-imut ilaatinneqanngillat, taamaattumillu ilanngunneqaratik.



## Nunami

Sulitilluni ajoqusernerit 2020-mi ikitsuinaallutillu annikitsuinnaasimapput, sulitilluni ajoqusernerit tallimat nalunaarsorneqarsimallutik, taakkulu ajoqusernermik annertunerusumik kinguneqarsimasinnaagaluarput, napparsimanermilli nalunaaruteqarnermik kinguneqarsimangillat. Taakku saniatigut sulitilluni ajoqusernerit annikitsut marluupput, sapaatit akunnerannik sivisutigisumik napparsimalluni nalunaaruteqarnermik kinguneqartumik, ataaserlu annertunerusumik ajoqusersimavoq umiarsualerinerup nalaani niuni umiarsuup containerillu akornannut kiggiguttoorutigisimallugu, taannalu kingorna qaammat ataaseq napparsimalluni angerlarsimaannartariaqarpoq.

Sulitilluni ajoqusernerit pillugit paasisutissat avitseqatigiisutigineqartarnissaat pingaartinneqarpoq, pisut ilinniarfigineqarsinnaaniassammata taamaaliornikkullu siunissami pinngitsoortissinnaajumallugit. Paasisutissat umiarsualivinnut ullumikkut ingerlateqqinneqartarput, tamannali pisortatigoortuunngitsumik nalunaarsugaanngitsumillu pisarpoq. Nalunaaruteqartarnermut allattorsimaffimmik pilersitsinissaq 2021-mut tigussaasumik anguniagaavoq, tamanna paasisutissat pissarsiarinissaannut ersarinnerulersitsissammat, kiisalu naapertuunngitsut ataqatigiis-saakkamik aaqqiissuteqarfiginissaat taamaaliornikkut qulakkeerneqarsinnaanngorlugu.

## Iluarisimaarinnineq ukkatarineqarpoq

Sulisut iluarisimaarinninerat Royal Arctic Linep kingumut 2020-mi annertuumik ukkatarineqarpoq, tassungalu atatil-lugu ukiumoortumik sulisut naammagisimaarinninnerannik misissuineq (MTU) ingerlapparput, suliffimmik nuannarinnineq 100-skalami 75 pointinut uuttortarneqarluni, 2019-imi kisitsit taanna 74-imiipput. 2020-mi napparsimalluni sulinngitsoornerit ataatsimut isigalugit 4,9 %-imiipput, 2019-imut naleqqiullugit 0,4 %-inik qaffariaateqarlutik. Sivisuumik napparsimalluni nalunaarnerit marlussuit qaffariaateqarneranut sunniuteqarput, agguaqatigiissitsinermit qaffassaataallutik. Napparsimalluni sulinngitsoornerit tunngatillugu paasisutissat immikkoortortaqaqarfigitsoortumik sulisunullu ataasiakkaanut tunngatillugu malittarineqartarput suliallu aqutsisoqatigiinnit eqqumaffigineqartariaqartut ingerlaavartumik isumagineqartarput, tamannalu siunissami ingerlatiinneqarpoq.

Aaqqiissuussaaneq tamarmiusoq eqqarsaatigalugu sulisut iluarisimaarinninnerat aatsaat taama qaffasitsigaluartoq umiarsuarni 66 pointinut apparsimasooq takusinnaavarput, 2019-imut naleqqiullugu 3 pointinik appariaateqarluni. Kingumut qiviassagaanni umiarsuarni sulisut suliffimminnik nuannarinninnerat ingerlatseqatigiiffiup sinneranut naleqqiullugu annikinnerujuarsimavoq, tamatumani immikkut eqqaaneqassaaq umiarsuaatinik nutarternermi umiarsuarnik atulersitsineq atorunnaarsitsinerlu umiarsuaatileqatigiiffimmi inuttat akornanni nalorninermik annertuumik pilersitsisimammat. Uuttortaanermut periaaseq maanna atorineqarpoq.

## Sulisut toqqiissimanissaat

Tamatta coronamik nappaalasoqarneranit 2020-mi upernaakkut eqqugaanitsinnut atatillugu Royal Arctic Line meeqqanik paarsititsigallarnissamut, angerlarsimaffimmit sulinissamut, napparsimanermut angerlarsimaannar-nissamullu tunngatillugu politikkilorpoq. Taama politikkeqarnermi tunngavissat pingaarnerit tassaapput coronamit sunniuteqartumik sulinngikkallarnermut aningaasartuutigineqartut ingerlatseqatigiiffimmit akilernerneqar-nissaasa ersarissarneqarnissaat. Najoqqutassiornermilu siunertarineqarpoq sulisut sapinngisamik pitsaanerpaamik illersornerisigut pilersuinerup isumannaassusiata attatiinnarnissaa, peqatigisaanillu peqqinnissaqarfimmit maleruaqqusat malillugit. Tamatuma malitsigisaanik ilaatigut sulisut aallarnissaminnik aalajangertut piffissami angerlarsimaannarallarnerminni tamakkiisumik akissarsiaqartinneqarnerat, atorfilliunerat akunnermusiaqartuu-nerallu apequtaatinnagit.

Sulisut toqqiissimanissaasa qulakkeernissaanut tamanna pingaaruteqarpoq, assersuutigalugu ilaqutariinni pisut pissutigalugit aallartariaqalissagaluarunik.

naleqquttuunersoq apeqquserneqarsinnaavoq sulinermi pissutsit assigiingilluinnartut marluk pineqarmata, tassalu nunami imaanilu sulinerit. 2021-mi MTU-mik misissuinissamik pilersaarusiornermut atatillugu umiarsuarni inuttanut immikkut allaanerumik uuttortaasoqassanersoq nalilersuiffineqassaaq. Aammattaaq aalajangerneqarpoq umiarsuarni aqutsisoqatigiinnik 2021-mi internettikkut arlaleriarluni ataatsimiititsisoqartassasoq, qanimut najuulluni ataatsimiinissamik pilersaarutigineqartoq Coronamik nappaalasoqarnera pissutigalugu ingerlanneqarsinnaassanngimmat.

Sulisutta akornanni naammagisimaarinnittuarnissamut ulluinnarni sulissuteqarneq aqutsisunut ataasiakkaanut isumagisassanngortinneqarpoq. Sulisut ataasiakkaat namminneq suliassaminnik naammassinninnissaannut ikorfartuutaasussamik sulinerminnilu naammagisimaarinnissaat siunertaralugu aqutsisup sulisullu sapaatip akunnikkuutaartumik oqaloqatigiittarnissaat anguniagaavoq, tamatumungalu peqatigitillugu ingerlatseqatigiiffimmi pilersaarusiornikkut pingaarnersiukkanut tunngatillugu angusassat qulakkeernissaannut aqutsisumut aamma ikorfartuutaassallutik.

MTU-mi apeqqutigineqartarpoq aqutsisorisaq sapaatit akunnikkuutaartumik ataatsimiititsisarnersoq. 2020-mi kisitsit 2019-imut naleqqiullugu appariaateqalaarpoq, tamannalu coronamik nappaalasoqarnerata kingunerisaanik aalaakkaasumik ingerlatsisoqarsinnaannginneranik, oqaloqatigininnissamullu qarasaasiatigut sakkussanik atuisoqarsimannginneranik pissuteqarsinnaanera naatsorsuutigineqarpoq.

Suliffimmi naammagisimaarinninnissamik suliaqarnermi sulisut nutaat suliffeqarfiup ingerlanneqarneranik kiisalu sunik naatsorsuuteqarfigineqarnerminnik ilisimasaqarnissaasa qulakkeernissaa ukkatarineqarpoq. Taamaammat 2020-mi Sulilerlaanut aaqqissuussinermut nalitsinnut naleqquttumik atulersitsinissaq aallartinneqarpoq. Sulisut aqutsisullu nutaat suliffeqarfimmu ilisartinnissaannik ukkataqarinnikkut sulilersussat suliffittaaminni aallartilluarnissaannut pitsaanerpaanik atugassaqartillugit suliffimmi naammagisimaarinninnissaat nukittorsarusupparput. Aaqqissuussap nutaap atulersinnissaanik ineriartorteqqinnissaanillu suliaqarneq 2021-mi ingerlateqqinneqassaaq.



# Piginnaasanik ineriartortitsineq ilinniartitaanerlu

Sulisutta qanorluunniit atorfeqarluartut piginnaasaannik ineriartortitsinissaq, ilinniartunillu lærlinginillu ilinniartitsinissaq qitiuttipparput. Nunatsinni ilinniartitaanerup qaffasissusiata nukittorsarneqarnissaa pingaartipparput, inuiaqatigiit pitsaasumik ineriartortinnissaat peqataaffigiumallugu. Aqutsisunik suliffeqarfiup ingerlatsineranik ilisimasaqarnermik kut sinaakutissanik nukittorsasinnaasunik pitsaasutsimillu ingerlatseqatigiiffittut sulisutsinnut minnerunngitsumillu sullitatsinnut neqeroorutigerusutatsinnik tunniusseqataasinnaasunik immitsinnut pilersornerunissamik anguniagaqarpugut. Ilinniakkanut nunanut tamalaanut sammisunut periarfissanik pilersitsinissamik anguniagaqarpugut, tassunga ilanngullugu umiarsuaatileqatigiiffiit allat

peqatigalugit paarlaasseqatigiittarneq, tamatumunngalu peqatigitillugu ilinniakkap Nunatsinniinnarluni ingerlanneqarsinnaanissaanut periarfisseerusulluta.

Royal Arctic Linep sulisut pikkorissut sulilluartullu sulisorigamigit pitsaasumik inissisimavoq, sulilu aamma sulisut piukkunnaateqarluartut pissarsiarisinnaanerut umiarsuaatileqatigiiffimmut pingaarutilerujussuuvoq. Umiarsuaatileqatigiiffiup anguniagaraa sulisutta imaqarluartumik sulinissaat pitsaasutsimik, sulilluarnemik kajumissuseqarnermillu ukkataqartunik, tamannalu sulisutta pikkorissut pigiinnarissaannut iluaqutaasussamik.



## Piginaasanik ineriartortitsineq

Piginaasanik ineriartortitsineq sulisut ataasiakkaat periarfissaasa pissusissamisuuginnartut ilagaat. Kalaallit 100 %-imik pigineqartut Royal Arctic Linep Kalaallit Nunaanni sulisoqarnikkut pitsaasumik tunniussissalluni akisussaaffigaa, kalaallillu aqutsisut amerlassusaannut annertusaaniarluni sulisoqartuarluni – tamanna ilaatigut sulisut ilinniaqqinnissaannut periarfissaqarnikkut kiisalu Kalaallit Nunaanni imarsiornikkut ilinniakkat ineriartortinerannut sulissuteqarnikkut pisarpoq.

Sulisut pikkorissarnerit aqcutigalugit piginnaangorsaq-qinnissaannut periarfissaat coronamik nappaalasoqarnera pissutigalugu 2020-mi kinguartiterneqartariaqarsimapput, ilaatigut angallannikkut killilersuinerit pissutigalugit, pikkorissarnissallu pilersaarutaareersut 2021-mut kinguartin-neqartariaqarsimapput. Angallannikkulli killilersuinerit aamma ajunngitsunik kiguneqarput, ingerlatseqatigiiffimmi

sulisut qarasaasiatigut attaveqatigiittarfiit aqcutigalugit ataatsimiinnernik suleqatigiinnernillu siornatigumut naleq-qiuullugu annertunerusumik ingerlataqarsimammata. Tamannalu timmisartukkut angalanernik angalanermullu aningaasartuutiniq malunnaatilimmik annikillisaataasimavoq.

Inuiaqatigiinni upernaq matoqqatitsisoqallannerata kingunerisaanik sulisut qanoq suliaqarnertik pissutigalugu angerlarsimaffimmit sulisinnaasut angerlarsimaffimmit sulinissartik aamma ilinniarpaat. Tamatumani ilinniarfigineqartoq tassaavoq sulisut tamarmik suliaminnik naam-massininnissaminnut allaffimmi issiasariaqanngitsut, tamatumalu malitsigisaanik suliffiup eqaatsumik ingerlan-neqarnissaanik piareersaasoqarpoq kiisalu suliaqarfiit ilaanni sulineri piffissamik nalunaarsuisarneq atorun-naarsinneqarluni. Tamatuminggalu sulissuteqarnerup marsip qaammataani 2021-mi atulersinneqarnissaa naatsorsuutigineqarpoq.

## Najukkami akuuneq

Inuiaqatigiinni sullitaqarfitsinni pitsaasumik ineriartornissap qulakkeernissaa immikkut ittumik akisussaaffigaarput. Taamaammatt peqatigisat uagutsinnut attuumassuteqartut suliniutillu piginaasatta, tunniuttakkatta, piffissatta aamma/imaluunniit aningaasannanniarsinnaanerup periarfissaatinnerisigut tapersuisuiniartarpugut.

Royal Arctic Linep Tapersuisuilluni aningaasaliissuteqartarnermut ataatsimiititaliaani qaammammut ataasiarluni ataatsimiittoqartarpoq qinnuteqaatit tiguneqartut suliarineqartarlutik. Ingerlatseqatigiiffik suliniutinut Nunatsinnut iluaqutaasussanut tunniuttakkaminik, piginaasaminik aningaasatigullu tunissuteqarnikkut tapersuisarpoq aamma Meeqqanut Inuusuttunullu, Kulturimut Timersornermullu, Inuuniarnikkut inissisimanerluttut kiisalu Ilinnia-gaqarneq. Royal Arctic Line sumiiffinni assartuiffigisartakkamini nassiussanik assartuussilluni tapersuisarpoq kiisalu aqqqissuussinernut imaluunniit suliniutinut Nunatsinnut attuumassuteqartunut aningaasanik tunissuteqar-tarluni. Aammattaq umiarsualivinnut tamanut aningaasanik immikkoortitsisoqartarpoq, najukkami sammisaqar-titsinernut ikorfartuutaasussanik.




## Ilinniartitaaneq

Kalaallit Nunaanni ilinniartitaanerup qaffasissusianik nukittorsaaneq Royal Arctic Linep qangali suleqataaffigaa. Umiarsuaatileqatigiiffiup ilinniartitaanermut pilersaarutaa anner-tooq umiarsuaatileqatigiiffiup sulisoqarnermut periusissiaa-nut aamma nunaqavissut suliffeqalermissaannut ilinniartitsi-nermut pingaarutilerujussuuvoq.

Royal Arctic Linep ilinniakkat assigiinngitsut 13-it neqeroo-rutigai. Royal Arctic Linemi sulineq qaffassarsinnaanermut piukkunnarsarnermullu periarfissaassaaq, tamatumungalu peqatigitillugu suliffeqarfinni allani qaffasissumik atorfeqar-nissamut tunngaviliisuussalluni. Ilinniarfissat periarfissat qassiunissaannik maannamut anguniagaqartoqanngilaq, periarfissalli assigiinngitsut 13-it ingerlatsiqatigiiffimmi maanna tunngavigineqarput. Ilinniarfissat toqqarneqarsin-naasut amerlineqassanersut taskforcep misissuinerani kiisalu kingornatigut anguniagassat pillugit 2021-p inger-lanerani suleriaqqinnermi ersarissarneqassapput.

Umiarsuaatileqatigiiffiit allat suleqatigalugit sungiusaatiga-lugu suliffissanik paarlaasseqatigiinnissamut periarfissat pillugit Danske Rederierimut oqaloqatiginninnerit aallartin-neqarput. Taamaaliornikkut Royal Arctic Linep umiarsuarni ilinniartut ullumikkut akunnittarfiit aqutugalugit ilinniarta-gaasa assingirik ilinniarfusinnaasuni ilinniarnissamut periar-fissaanut nukittorsaataassaaq. Suleqatigiinneq coronamik nappaalasoqarnerata kingunerisaanik 2020-mi unitsikkallar-neqarpoq, pissutsilli pitsaaneruleriarpata aallarteqqinneqar-nissaa siunertaavoq.

Umiarsuarni assistentitut sungiussisimangitsutut ilinniartitaanernut atatillugu Imarsionermik Ilinniarfik aamma Savi-minilerinermik Ilinniarfik Nuummittoq suleqatigineqarput. Suleqatigiinnerup tamatuma malitsigisaanik umiarsuarni assistentitut sungiussisimangitsutut ilinniarneq maanna najukkami ingerlanneqarsinnaavoq, ilinniartut ilinniakkamik ilaattut Danmarkiliartinneqartarunnaarlutik, tamannalu ilinniartunut Nunatta avataaniinnissaminnik sungiussisi-mangitsunut pingaaruteqarpoq.





### Royal Arctic Line ilinniartut amerlassusaat

	2020	2019	2018
Ilinniartut	55	57	63

### Royal Arctic Linemi ilinniagassat makkuupput

- Assartugalerisoq
- Terminalimi aqutsisoq
- Quersualerisoq assartuisorlu
- Saffioq
- Maskiinarsuarnik iluarsaasartog
- IT-lerisoq
- Datateknikeri
- TNI-mi qaffasissumik ilinniarneg
  - Nunat tamalaat akornanni angallassineq aamma ataqatigiissitsineq
    - Nunani tamalaani niuerneq nittarsaassinerlu
    - Aningaasaqarneq aamma pigisanik nallilinnik aqutsineq
- Sumiissusersiortoq/Aquttoq
- Maskinmesteri
- Umiarsuarmi maskiinalerisoq
- Umiarsuarmi assistenti\* Shippingimik ilinniagaqarneq

# Governance

## Inuttut pisinnaatitaaffiit

Royal Arctic Linep inuttut sulinermilu pisinnaatitaaffiit nunani tamalaani atornewartut ataqqvai, taakkunungalu tunngatillugu sulisut kiisalu sulisorilerumaakkat naligiimmik atugassaqtinnissaat periarfissaqtinnissaallu sulissutigiuarlugu, assersuutigalugu suliffinnut assigiimmik periarfissaqtinnissaat. Qinnuteqartut assigiimmik piukkunnaatillit atorfinitsinneqarnissaminut assigiimmik periarfissaqsapput, taamaattumillu soqutiginnittut kikkulluunniit qanoq tunuliaquteqarnertik apeqquataatinnagu atorfinnut inuttasarsiuussanut qinnuteqarnissaat suliffeqarfimmit kajumissaarutigineqartarpoq. Royal Arctic Linep paasisutissat tunngavialugit sulisoqarnermut ingerlatsissut 2016-imiilli aaqqissuussaasumik atorpaa, assigiinngisitsisoqarsinnaanera millisarniarlugu, aamma qinnuteqartut kinaassusersiunngitsumik nalilersuiffiginissaannut sakkussaavoq kiisalu sulisut pioreersut ineriartornissamut periarfissaannut suliffeqarfimmillu qaffassarnissaannut kinaassusersiunngitsumik nalilersuinissamut periarfissiivoq.

Royal Arctic Linep inuttut pisinnaatitaaffiit pillugit suliaqarnera sulisunut politikkimi malittarisassanik ikorfartorneqarpoq, soorluttaaq umiarsuaatileqatigiiffik naligiissitaanermut kiisalu ammpit qalipaataa tunngavialugit immikkoortitsinermik akiuniarnermut, pimmatiginnittarnermut, uumisaarinermut aamma persuttaasarnermut tunngatillugu aalajangersagaqartoq.

Inuttut sulinermilu pisinnaatitaaffinnik unioqqutitsisoqarneranik ingerlatseqatigiiffik 2020-mi nalunaarsugaqanngilaq.

## Peqquserlunnermik akiuniarneq

Aningaasanik akiliuteqarluni piumasamik pinnanniarneq imaluunniit niuernikkut ileqqorlunniartarnerit allat Royal Arctic Linep akuerinngilai. Taamaammat namminerisamik malittarisassarisatta, nakkutiginninnitta kukkunersuisarnitalu pitsanngorsarneqarnissaat nukittorsartuarparput, Royal Arctic Linep suliarisartagai inatsisit atuuttut, iliuitsit torersut niuernermilu ingerlatsinermi inatsisit tunngaviusut malillugit ingerlatsisoqarnissaa qulakkeerneqarniassammat.

Assersuutigalugu Islandimut umiarsuaatileqatigiiffianik Eimskipimik ingerlaaqateqalernermi suliaqarfiit ilaanni killigisassaarpoq paasisutissanik niuernermut tunngasunik mianerisassanik avitseqatigiittoortoqaratarsinnaalluni. Taamaammat Royal Arctic Linemi sulisunut ilinniartitsinerit arlallit ingerlanneqarput, killigisassat malinneqarnissaannik qulakkeernittussanik. Ilinniartitsinerit sulisunut susassaqtunut ingerlaavartumik pisassapput.

Nunami namminerimi nunanilu tamalaani niuerfinni peqquserlulluni akilisarnermik atuiffunngitsuni niuernissani Royal Arctic Linep kissaatigaa. Taamaammat peqquserlulluni akilersinnissaq allatulluunniit torinngitsumik niuernikkut pissuseqarnissaq umiarsuaatileqatigiiffiup akuerinngilaa. Umiarsuaatileqatigiiffullu Kalaallit Nunaanni Danmarkimi nunami namminerimi niuerfigisaani tamakkuninnga annertunerusumik ajornartorsiuteqanngikkaluartoq, ineriartortitsinissamik periusissaq aamma niuerfinnik nutaanik suliaqarfinnilu suleqateqarnermik nutaanik ilaqarpoq, taakkunanilu



peqquserlunnernik pisoqarsinnaasarluni. Royal Arctic Linep iluani malittarisassat, nakkutilliinerit kukkunersiuinerillu nukittorsarniarlugit peqquserlulluni akiliisarnermut akiuiniarnermik politikki akuerisimavaa, suliffeqarfiup suliai tamarmik pissuserissaarnermik tunngaveqarnissaat qulakkeerniarlugu. Sulisut tamarmik politikki taanna nassaarisinnaavaat, soorluttaaq tunissuteqarfigineqarnermi, tunissuteqarsimatillunilu immersugassat suliffeqarfiup intranettiagut aaneqarsinnaasut. Politikkip tunngavia tassaavoq atuinermut immikkut nalunaaruteqartarneq, suliffeqarfimmi sulisut sammisaqartinnerisa kingorna naleqqussarneqartoq.

Malittarisassanik peqquserlunnernik akiuiniarnermut attuumassuteqartunik 2020-mi unioqqutitsisoqarsimanersoq ilisimaneqanngilaq.

### Pilersuisuvut suleqatigisavullu

Avatangiisitigut sunniuteqarnitta annikillisarinnissaa siunertaralugu pilersuisuvut suleqatigisavullu piumasaqaateqarfigisarpagut. Taamaammat atatillugu piujuaannartitsinissamik siuarsaanissaq siunertaralugu pilersuisuvut oqaloqatigisarpagut piumasaqaateqarfigalugillu, ilaatigut avatangiisinut artukkiinninnerusunik niuerfimmi peqarnersoq misissortartigut, assersuutigalugu umiarsuarnik isaterinermut atatillugu.

Suliffeqarfiup pisiortornermut malittarisassiuussai pilersuisunut siornatigut atsioqquneqartarput, tamatumani meeqqanik sulisitsisarneq, inuttut pisinnaatitaaffii, sulinerimik inuussutissarsuteqartut pisinnaatitaaffii, peqquserlunnernik akiuiniarneq pillugit Naalagaaffiit Peqatigiit isumaqatigiissutaasa aamma piujuaannartitsinissaq avatangiisinillu illersuinissaq pillugu Riomi isumaqatigiissutip malinneqarnissaat. Pilersuisut 88 %-iisa atsiortinnissaat anguniagaavoq, anguniagarlu taanna 2016-imi anguneqarpoq. Kalaallit Nunaanni Danmarkimilu pisiarnernerit tamarluinnangajammik pisimammata, pilersuisut ataasiakkat avatangiisinut, inooqataanikkut ileqqorissaarnermullu tunngassuteqartutigit ersarissumik ingerlatsinerat pissutigalugu 2019-imi uppernarsaateqarnissaq piumasarinnilarput.

Suliniutit periaatsillu ingerlatseqatigiiffimmit soqutigisaqartuillu toqqaannartumik iluaqutissartaqarnissaat innersuustigalugu, taamatut suleriaaseqarneq eqquteqqinneqassanersoq nalilersuiffeqqinneqassaaq. Tamatumaa ersarissarinnissaa allatigut ersarissaanermik suliniutinut 2021-mi ingerlanneqartussatut pilersaarutigineqartunut ilaatinneqassaaq.

### Assigiinngisitaartuuneg

Ingerlatseqatigiiffinni Namminersorlutik Oqartussanit pigineqartuni aqutsilluarnissamut tunaartarisassat naapertorlugit Royal Arctic Line pisortaqtigiinni assigiinngisitaartuunissaq pillugu politikkimik suliaqarpoq assigiinngisitaartuunissarluni immikkut ukkataralugu.

Assigiinngisitaartuunissap qulakkeerneqarnissaanik kissaateqarneq tapersersorniarlugu atorfinitsitiniarnermi suleriaasissanut tunaartarisassanik ineriartortitsisoqarpoq, ingerlatseqatigiiffillu isumaqarpoq suliatigut inuttullu piginnaasat ataqatigiissinneri aqutsisunik atorfinitsitineri nalilersuutaasoq pingaarutilik. Royal Arctic Linemi aqutsisoqarnermi sulisutigit taarseraaneg suliaqarfiit ilaanni annikitsuararsuavoq, taamaattumillu katitigaanerisa allannortinnissaat sivisuumik anguniagassaalluni. Aqutsisunut aalajangersimasunut tunngatillugu (soorlu umiarsualivinni pisortanut, umiarsuarni naalakkanut, maskiinalerineri naalakkanut assigisaanullu), suliffeqarfimmi sulisut suaassusaat eqqarsaatigalugu arnat angutillu agguaqatigiissinneranni arnat appasingaatsiartumi inissisimapput, aqutsisullu taakkua aamma isiginiasagaanni sulisut taarsernerat appassisorujussuavoq.

Umiarsuaatileqatigiiffiup inuit suliffeqalernissamik ajornakusoortitsisut suliffissarsinissaat pillugu kommunit ataasiakkaat aqutsisutigoortuunngitsumik suleqatigisarpari.

### Pisortaqtigiit suaassutsikkut katitigaanerit

Siulersuisut ilaasortat tassaapput ataatsimeersuarnermi tooqarneqartut arfinillit sulisullu toqqagaat pingasut. Ataatsimeersuarnermi tooqarneqartut tassaapput arnat pingasut angutillu pingasut, taamaaliornikkullu suaassutsimut ikinne-russuteqartumut naleqqiullugu 40/60-imik agguataarsimannissamik anguniagaq naammassineqarpoq. Ilaasortat sulisunit tooqarneqartut pingasuusut angutaapput. Royal Arctic Linemi qullersat tassaapput pisortaqtigiit angutit marluk arnarlu ataaseq, kiisalu aqutsisoqatigiit tassaasut immikkoortortaqarfinni pisortat, arnat marluk angutillu tallimat (pisortaqtigiit ilanngullugit).

### Royal Arctic Linemi angutit/arnat amerlassusiat

	2020	2019	2018
Siulersuisut suaassutsikkut assigiinngisitaarnerat	3/3	3/2	2/3
Qullersat suaassutsikkut assigiinngisitaarnerat	2/1	2/1	2/1
Pisortaqtigiit suaassutsikkut assigiinngisitaarnerat	5/2	5/3	7/3

# 2021-mi piujuartitsilluni ineriartortitsineq

Ingerlatseqatigiiffiup Eimskipimik 2020-mi ingerlaaqateqarnerup atulersinnerata kingorna nukittunerulernissaq patajaannerulernissarlu 2021-mi anguniagaraa. Iliusissarlu taanna ingerlatseqatigiiffiup Naalagaaffiit Peqatigiit piujuartitsilluni ineriartortitsinermut nunarsuarmi anguniagaata sulissutigeqqinnissaanut qajannaatsumik toqqammaveqalernissamik kissaateqarnermut ikorfartuissaaq. Aaqqisuussaannikkut ingerlatatigullu allannguinerit atulersinneqareersut Royal Arctic Linep CSR Taskforceata nalunaarsuinermik aallarniutaasumik suliaqarnera ilutigalugu ineriartorteqqinneqassapput.

Anguniakkat suliniutillu tigussaasut ingerlatseqatigiiffimmi immikkoortotaqarfinnut tamanut saqqummiunneqassapput, umiarsuaatileqatigiiffiullu piujuartitsinermut politikianut iliusissiaanullu atasumik taamatut toqqammaveqarnermi uppersaasiinermut suleriaatsinik tigussaasunik

suliaqarmissaq kiisalu suliat ingerlaqqinnissaanut malitseqartitsinissamut periarfissaqarmissaa qulakkeerneqassaaq.

CO<sub>2</sub>-mut naatsorsuutunik pisortatigoortunik pilersitsinissamut periarfissaq misissorneqassaaq. Ingerlatseqatigiiffiullu nammineq suliniutaanik uuttortaanissamut paasisutissanik amerlanerusunik pissarsisinnaalernerata saniatigut inuiaqatigiinni susassaqtartut allat namminneq sunniuteqarfigisaminnik uuttortaanissamut paasisutissanik atuinissaanut periarfissaqalissapput.

2021-mut qulequttat taamaallitlik tassaapput ataqatigiissitsinerunissaq, nalunaarsuinissaq, paasisutissanillu eqqortunik pissarsisinnaanerup annertusarnissaa kiisalu Nalaagaaffiit Peqatigiit piujuartitsilluni ineriartortitsinermut nunarsuarmi anguniagaanut 17-inut Royal Arctic Linemullu anguniakkanik suliniutinillu aalajangersaarnissaaq.

